

續網鑑精采

一

67
4
56

東泉圖書館					
四册	五六号	三架	六七函	屬	類

003027-001-1


67-56

網鑑精采 (續)

石村 貞一 / 編

M16

ACC-0379



警軒阪田丈平校閱
桐陰石村貞一編輯
性齋阪上成美


續綱鑑精采

浪華 文海書屋發兌

續綱鑑精采序



史之貴乎編年者。以兼該終始。總
統古今。應世事蹟。可逐次而稽也。
故涑水之史。而有薛氏續編焉。新
安之史。而有勅撰宋元紀焉。有明
紀焉。近世吳氏之史。而亦自續輯



續綱鑒精采序

明臨

史之貴乎編年者。以兼該終始。總
統古今。應世事蹟。可逐次而稽也。

故漢水之史。而有薛氏續編焉。新

史。而有勅撰宗元紀焉。有明

紀。而有近世吳氏之史。而亦自續輯

東周朝

書

紀

焉。夫然後兼該而總統。書始大成矣。且欲詳今代政刑所源。隆替所由。近世之史。最不可不講也。前數年。余繼止友之志。點校葉氏綱鑑精采。既已刊行于世矣。當時善其書之繁簡得中。甚適初學讀本。

而憶明氏以下闕如焉。今者石邦坂上二君。續補其闕。據自明初至清氏光緒事蹟。體壹倣葉史。分為四卷。名曰續綱鑑精采。嗚呼二君之於葉史。可謂收玉振之功矣。蓋以方今四海航通。各國兵艦商船。

旁午於洋中。而使者聘問。亦無虛
歲。士之生于此時者。固不可不通
萬國歷史。而隣邦之事。所先也。然
而我邦近時教學。分科極多。吳氏
之史。猶病不易卒讀。况新安之史
乎。况涑水之史乎。今此書出。而葉
史有成。初學之士。樂篇易卒。而歷
覽禹域數千年間。治亂興敗。無知
始而遺終。明古而懵今之患。且得
以稽清氏今代所因革者。將於是
乎在焉。則於國家造士交鄰之事。
豈小補云乎哉。

明治十六年一月初


吉備 警軒阪田丈撰



海石邦田壽書

續綱鑑精采例言

一葉進卿之綱鑑精采不繁不簡可謂畧史中之佳書矣而僅止于元誠為遺憾焉蓋雖異邦之史至近代之事與我之今日多相關涉讀史者不可不反覆致意也故予不顧謏劣據明史大明會典大清一統志三朝實錄等諸書記明清之事以為續編起稿以來事務鞅掌獨力難支乃與石村桐陰戮力拮据數年而始就緒尚不能免狗續之謂已



續綱鑑精采卷一
一嘉慶以後之書大概記邊事不及內政頃聞
續東華錄記內政特詳余未能見以為憾焉
一此編體裁總做正編但清記有一二論贊而
不足以挿入全編故今畧而不錄

一正編欄外標識評語及問答而已今并記除
任薨卒等以便讀者覽閱

明治十五年十月 性齊氏識

續綱鑑精采卷一

警軒坂田丈平校閱 石村貞一
坂上成美 同輯

明紀^上

太祖皇帝

帝諱元璋姓朱濠州人父世珍母陳氏帝生
之夕有光燭天自後室光每夜如焚至則無
有里人名朱氏火帝年十七出託身皇覺寺
遊食江淮三年時汝穎兵起定遠人郭子興

要見豪傑之興
必有所憑藉

據濠城帝上玦於伽藍

伽藍梵語猶決意入中華言衆圍

城見子興子興奇其狀貌與語大悅以養女馬氏妻焉留爲親兵凡每攻伐命之往輒勝自是威名日著豪傑景從尋子興卒帝并其軍統之又用馮國用等之計北伐以遂定中原伐元而有天下建國號明都于金陵在位三十一年壽七十一帝神武明達起自濠城以及卽位前後五十年無一日而不念小民之依無一時而不思得賢之輔蓋自其託身

建國都

皇覺寺之日已憤然於貪官汙吏之虐民欲得而甘心之矣故時時用兵時時禁諭諸將無一字而非惻怛亦無一字而不出於忠誠故天下士咸願歸而附之而樂爲之死也

洪武元年

戊申

立馬氏爲皇后后嘗謂上曰今豪

傑并爭雖未知天命所歸以妾觀之惟以不殺人爲本人心所歸即天命所在上深然之故至是冊立○立標爲皇太子使李善長等傳之○定兵制郡各一衛有事詔總兵官佩將印督之

大哉言也蓋高祖終始以此言爲龜鑑

置六部官

定律令

無事則還所佩印而權皆歸于朝廷○禁宦官預政典兵○八月徐達等進師取元都執其監國淮王及丞相慶童等戮之并獲諸王子令士卒禁侵掠人民安堵市肆不移○始置六部官吏部戶部禮部兵部刑部工部分理庶務○詔金陵為南京汴梁為北京○命劉基定律令曰毋示兩端令奸吏得託也

二年西二月詔修元史上謂廷臣曰近克元都得元十三朝實錄元雖亡史所以勸懲不可廢

乃命李善長纂修○上躬耕南郊又命皇后蠶於北郊以為祭祀衣服○上嘗視園丘太子從行命遍閱農家曰農終歲勤苦服食不過如此故令爾知之無過取也○勅曰古人為文以明道德通世務典謨典者五典謨者大禹謨皇陶謨之言皆明白易知誠意溢出使人感激近世文士立辭雖艱深而意實淺近何裨實用自今為文但取通道理明世務者無事浮藻○六月薊北悉平遂元都為北平府○副將軍常遇春卒上痛悼不已

常遇春卒

劉基在蕭何張
子房之間徐達
則韓信常遇春
是樊噲歟既云
龍雲必役之真
不虛也

親往祭之配享太廟上曰平定之功遇春十居

八九○陝西悉平大將軍徐達帥諸軍還京○

建功臣廟於雞鳴山祀之劉基謝政歸基初從

太祖攻某城書方畧於片紙授云當夜半出矣

至某方青雲起即宜按兵頓有墨雲起即賊伏

也俟墨雲與青雲接乃賊歸也宜擊之如其言

果大捷又戰於鄱陽基驚曰難星過急更舟更

畢而上舟為所賊砲破遂以天文秘書授子璉

楊文懿公曰子房不見詞章玄齡僅辨符檄
公勲業造邦文章傳世可謂千古人豪或疑

公逮事胡元專門象數何異嘗伊尹之屢就

恨周公之多才也子璉有文行方上手書問

天象公條答言霜雪之後必有陽春今國威

已立自宜少濟以寬或言有殺運三十年者

公慨然曰使我任其事掃除弊俗一二年後

寬政可復彼難星已過勸上急移他舟者特

星官之一枝耳而

烏足以繫先生與

三年庚戌正月分兵二道一令大將軍徐達自潼

關出西安擣定西以攻王保保一令左副將軍

李文忠出居庸入沙漠以追元主○徐達大敗

保保於川北亂塚間保保僅與其妻子數人

遁去○五月李文忠帥師至應昌獲元騎知元

徐達追元主

定服色

定科舉法

主既殂，圍其城，械順帝孫買的里八刺而還京。百官稱賀，或請獻俘于廟，上曰：元雖夷狄，入主中國者百年，朕祖父亦嘗享其太平也。安忍加戮？乃封為崇禮侯。○詔定服色尚赤。○六月，頒平定沙漠詔於天下。○詔定科舉法。○大明集禮書成，詔刊行之。○十一月，大將軍徐達等振旅還京師，大封功臣。公侯伯者三十六人，徐達居首。

奔州外史曰：高帝之取天下，計初下建康，再與陳友諒角實在行，而其他十七皆大將軍

力也。大將軍之廉靖仁武，沈幾策勝，即古名世之佐局過焉。勞而不伐，夙夜匪解，與功臣終，蓋所以處君臣之際微也矣。元女侑配英主，整其成師於十五年後，而資靖難兩都二公，光表後裔，寵冠羣辟，夫豈幸哉。

四年^辛正月上諭湯和等曰：今天下大定四海奠安，惟川蜀未平耳。朕以明玉珍嘗遣使修好，存事大之禮，憫明昇稚弱，數遣使開諭，冀其覺悟。昇乃惑群議，反以兵犯吾興元^{地名}，不可不討。今命卿等水陸分道，并進首尾攻之。諸將陸辭。○六月，大舉伐夏明昇降，尋蜀地悉平。○上諭

明昇降

詹同曰吏部天下之衡鑑也衡者測物之器鑑者照美醜之器也

衡平則輕重當鑑空則妍媸審蓋政事得失在

庶官庶官得失在吏部

五年壬子正月上謂諸將曰今海內悉入版圖可

喜而又有可懼者三歷代傳國璽在元未獲王

保保未擒元太子不聞音問乃命徐達等三路

出師其兵四十萬以征沙漠○命採錄漢唐藩

王善惡名昭鑑錄賜諸王

置六科給事中癸丑六年正月置六科給事中○製祖訓十三條

○詔暫罷科舉令有司察舉賢才○十月命刑

部尚書劉惟謙及宋濂等更定大明律○潞州

進人參上曰聞人參得之甚艱豈不勞民今後

不必進又大原進葡萄酒亦令勿進曰國家以

養民為務豈以口腹累人哉

七年甲寅十月遣崇禮侯買的里八剌北還臨行

上諭之曰爾本元君子孫國亡就俘朕不忍令

爾久客於此故特遣還見爾父母以全骨肉之

愛

其言甚正大得人君之度量

八年^{乙卯}四月劉基卒基剛毅慷慨輔上平定中原籌畫為最上甚礼重嘗以子房况^{比也}之常稱老先生而不名

九年^{丙辰}閏九月五星^{火水木金土}紊度^{亂纏也}日月相

刑詔求直言山西平遙訓導葉居昇上言論時

弊帝怒逮問繫死獄中後無敢言者○有內使

言政事者上曰寺人干政亂從生矣今制內侍

不許讀書識字止供洒掃而已

十年^{丁巳}二月學士承旨宋濂致仕歸○濮真征

高麗被執不降遂死上嘉其節追封樂浪公謚

忠襄其子方在襁褓封為西梁侯九月置通政

使司

十三年^{庚申}正月丞相胡惟庸謀逆伏誅惟庸誑

言所居第井中湧醴泉邀上往觀駕出西華門

門者雲奇知其謀走衝蹕道要之言狀氣方勃

舌駛^{快速之意也}不能達意上怒其不敬左右搥

亂下奇右臂幾折尚指惟庸第弗為痛縮上悟

還御即發兵圍惟庸第掩捕拷問得實磔惟庸

嚮禁宦官預政典兵今又不許讀書識字高祖之慮於此輩可謂儷矣似豫知後世亂基者彼子孫守此制王假魏忠賢等何足憂哉

置通政使司

罷丞相

於市、陳寧李玉等皆伏誅、上召雲奇已死矣、深悼之、追封右少監、○詔罷丞相、以胡惟庸故也止設五府六部等衙門、分理天下庶政、彼此相持、不得專擅、

十四年辛酉三月、編賦役黃冊、○命傅友德為征南將軍、沐英為副軍、帥師征雲南、○十二月、友德等師至普安、攻下之、尋轉戰生擒達里麻軍、勢大振、遂平曲靖、把匝刺瓦爾棄城走、與妻子俱赴滇池死、雲南悉平、沐英留鎮、

散財為儲蓋深
有得於大學而
古今無識之者
所以國常亂也

十五年戊戌三月、置錦衣衛及鎮撫司、○或言儲財以充國用、上曰、人君儲財與眾人異、人君以天下為家、散財為儲也、○國學成、上將釋菜、令諸儒議禮、議者曰、孔子雖聖人、臣也、禮宜一奠、再拜、上曰、聖如孔子、豈可以職位論哉、朕敬禮先師之禮、宜特加尊崇、儒臣乃定其儀、從之、○八月、皇后馬氏崩、后性恭儉、服澣濯之衣、每誡諸王妃曰、爾等生長富貴、當為天地惜物、接妃嬪待之恩厚、太子諸王雖愛之甚篤、勉令務學、

有以器皿衣服相尚者必切責之上常前殿決
事或震怒還必問今日處何事怒何人因言陛
下有衆子正好積德不可縱怒殺人致死者冤
枉活人性命乃子孫之福國祚亦長久至是病
上強之藥后不可曰如服藥不瘳陛下寧不以
妾殺醫乎妾不忍也

十六年_{癸亥}正月吳沈承制編敬天忠君孝親三
事爲書上之賜名精誠錄

頌科舉成式

十七年_{甲子}三月頒行科舉成式○山陰民徐允

讓與妻潘氏避亂爲寇所執寇欲污潘氏潘氏
誑曰夫死從汝必矣令寇焚其夫潘氏遂入火
中死上並旌表之

柴舟甫曰天下可智不可愚而治天下可愚
不可智使天下皆知而無愚而天下不勝其
亂矣蓋知者動之物而擾事之具也昔人云
天下本無事庸人擾之耳夫庸人烏能擾天
下哉擾天下者具智勇凶傑卓越之材使其
有才而不得展則必潰裂四出小者爲盜大
者謀逆自古然矣惟聖人知其然而惟以術
愚之使天下皆安於吾術雖極智勇凶傑之
輩皆潛消默奪而不知其所以然而後天下
相安於無事故吾以爲明太祖以制義取士
與秦焚書之術無異特明巧而秦拙耳其欲
愚天下之心則一也秦始皇以狙詐得天下

欲傳之萬世，以為亂天下者，智謀之士而欲愚之，而不得其術，以為可以發其智謀者，無如書。於是焚之以絕其源，其術未嘗不善也。而不知所以用其術，不數年而天下已亡。天下皆咎其術之不善，不知非術之過也。且彼鳥知詩書之愚天下更甚也哉。詩書者為聰明才弁之所自出，而亦為耗其聰明才弁之具。况吾有爵祿以持其後，後有所圖而前有所耗，人日腐其心以趨吾法，不知為法所愚。天下之人無不盡愚於法之中，而吾可高拱而無為矣。尚安事焚之而殺之也哉。明太祖是也。自漢唐宋歷代以來，皆以文取士，而有善有不善，得其法者，惟明為然。明制士惟習四子書，兼通一經，試以八股，號為制義。中式者錄之，士以為爵祿所在，日夜竭精，做神以攻其業。自四書一經外，咸束高閣。雖圖史滿前，皆不暇目，以為妨吾之所為。於是天下之書不焚而自焚矣。非焚也，人不復讀，與焚無異也。焚書者欲天下之愚，而人卒不愚，又得惡名，此不焚而人自不暇讀也。日爵祿已得，雖稍有涉獵之者，然皆志得意滿，無復他及。故雖以明之制，百世不易可也。

徐達卒

十八年^{乙丑}二月，魏國公徐達卒。達忠勇無比，每征悉出其功。至如封姑蘇之府庫，胡宮之美人，財寶無所取，婦女無所幸，將德之最優者，上痛悼不已，親為文祭之，追封中山王，謚武寧。○上論兵曰：用兵猶用藥，藥能去疾，亦能致疾。苟無事而動兵，是猶妄以瞑眩之藥，強進無病之人，縱不殞身，亦損元氣。

解縉上萬言封事

二十一年^{戊辰}十月以庶吉士解縉為監察御史尋遣歸縉吉水人七歲能詩文遂以弱冠登策上親選為庶吉士時被寵眷因上封事萬餘言皆人所不敢言者上嘉納之擢為監察御史時都御史袁泰恣橫無敢言之者縉歷詆逐一而詆也其奸狀上慮縉少涵養將為眾所傾召其父諭之曰才之生甚難而大器者晚成其以爾子歸益進其學又諭縉曰後十年來朝大用爾未晚也○以卓故為給事中

二十二年^{己巳}正月改太宗正院為宗人府以秦王為宗人令

二十三年^{庚午}四月賜韓國公李善長死會有星變其占為大臣當災時帝大殺京民之怨逆者善長請免其親戚數人上怒遂誅

皇太子薨
二十五年^{壬申}四月皇太子薨謚曰懿文皇太孫允炆立○岢嵐州學正吳從權山陰教諭張恒至京師上問民間疾苦對曰非職事故不知也上曰宋胡瑗為教授教其諸生兼時務聖賢之要見聖賢之道

所以濟世之言
與腐儒之見復
絕

道所以濟世也。民情不知，則所教何事，共竄之
極邊榜諭天下學校。○徵方孝孺至上曰：異人
也，吾不能用，留為子孫輔太平。僅除漢中教授。
二十六年癸酉正月，涼國公藍玉伏誅。初，胡惟庸
之叛，玉與其謀。上以其功大，宥不問。後為大將
總兵征伐，恃功橫暴，有訐其陰事者，上詰責之。
玉不為意，至是為大傅。玉大言曰：我固不當為
大師也。間奏事上不從，玉懼，退語所親曰：上疑
我矣，遂謀反。

李贄曰：我聖祖起滁陽，入建業，定江南，以至
定山東，定河南北，凡十有餘歲，始即帝位。及
即位，又享國三十有一年。此蓋上帝之所篤
生天，固縱之使多歷年所，以福壽我黎民。原
非漢唐宋首創諸君，假仁義以行者之所得
比也。并時唯湯信國壽濟七十，余俱不及。則
至于靖難之世，又安得有故將乎？未可遽以
是而遂為不惜才者之憾。吾以為最惜才者，
當無如我
明太祖矣。

褒賞義門鄭氏

詔褒浦江義門鄭氏。鄭氏十世不異爨，長幼至
千餘人，田賦各有所司，數以事入覲，擢其宗長
鄭濂為浞福建布政司參政。上問濂治家所以
長久之道，對曰：守家法，不聽婦人言而已。上深

嘉之○九月頒大成樂器於天下以祀孔子

二十七年甲戌青州民有江伯兒者母病禱於岱

岳古之太山而所謂東嶽也誓云病愈則殺子以祀既而病

愈殺其子以祭之上聞之怒曰父子天倫至重

今賊殺子絕滅倫理亟捕治之遂謫海南○寰

宇通誌成

二十八年乙亥六月詔禁黥刺誅劓閹割之刑○

皇明祖訓成上自為之序曰朕觀自古國家建

法立制皆在始受命之君蓋其創業之初備嘗

問高祖為子孫慮不一而足其

明不知燕王為

人而豫為之防

何乎

答父子之際情

理自當然也况

賜照鑑錄留孝

孺其為防者至

矣建文柔仁自

失其位雖高祖

亦奈之何

艱苦閱人既多歷事亦熟比之生長深宮之主

未諳世故及僻處山林之士自矜已長者甚相

遠矣朕與群雄並驅慮患防微近二十載乃能

統一海宇人之情偽亦頗知之故以所見所行

開導後人著祖訓一篇立為家法首尾六年凡

七騰稿至今方定豈非難哉蓋俗儒多是古非

今奸吏常舞文弄法凡我子孫欽承朕命母作

聰明亂我已成之法

三十一年戊寅閏五月帝崩皇太孫允收卽位

建文皇帝名允收懿文太子之子太祖孫也

建文元年卯二月尊皇考懿文太子為興宗考

康皇帝立文奎為皇太子○諸王憑叔父之尊

多不遜戶部侍郎卓敬密奏裁抑宗藩疏入不

報至是燕齊湘代岷諸王頗相煽動有流言聞

於朝帝患之謀諸兵部尚書齊泰泰與太常寺

卿黃子澄進漢平七國事上從之廢周王幽代

王繫音執謂拘執岷王為庶人齊王湘王並以謀逆

伏誅獨燕王威名盛密為練兵朝廷深備之○

廢周王執岷王

帝問泰曰今欲圖燕奈何對曰今北邊有寇警

以防邊為名遣將戍開平悉調燕藩護衛兵出

塞去其羽翼乃可圖也從之乃以張島為北平

左布政使謝貴為都指揮使俾察燕王動靜○

燕王遣長史葛誠入奏事帝密問燕邸事誠以

實告乃遣誠還燕使為內應至則燕王察其色

異心疑之○燕王來朝戶部侍郎卓敬奏曰王

智慮絕人酷類先帝夫北平者強幹之地金元

所由興也宜徙封南昌以絕禍本帝覽奏袖之

燕王來朝

要見卓敬之言殆是徒薪曲突見矣而帝之厚於親親亦不可尤也

翌日語敬曰燕王骨肉至親何得及此○燕護衛百戶倪諒上變詔責燕王王乃佯狂稱疾走呼市中或卧土壤又盛夏圍爐搖顛曰寒甚朝廷稍信之會燕王使護衛百戶鄧庸詣關奏事齊泰執訊之具言王將舉兵狀泰即發符遣使往逮燕府官屬以北平都指揮張信為燕王舊所信任密敕之使執燕王張信受命甚憂以實告母母警曰不可吾聞燕王當有天下者王不死非汝所能擒也信乃往燕邸拜於牀下王佯為

賴氏以燕隸比於天武以建文比於弘文誠可謂絕妙也

風疾不能言信曰殿下無爾也有事當以告臣王曰疾非妄也信曰殿下不以情語臣上擒王矣當就執如有意勿諱臣王見其誠下拜曰生我一家者子也乃謀事遂令護衛指揮張玉朱能等帥壯士八百入衛未幾削爵及逮官屬詔至○七月燕王棣殺張昺謝貴等遂起兵號靖難以誅齊泰黃子澄為名去建文年號仍稱洪武三十二年署官屬以張玉朱能為都指揮僉事下令諭將士曰予太祖皇帝之子今為

燕王上書

削燕王屬籍

奸臣謀害祖訓云朝無正臣內有奸逆必舉兵
 誅討以清君側之惡用率爾將士誅之罪人既
 得法周公以輔成王爾等其體予心○燕王上
 書請誅齊泰黃子澄畧云高帝艱難百戰以有
 天下期傳之萬世不幸奸臣齊泰黃子澄輩假
 陛下之威權剪王家之枝葉不數月而五王見
 削臣守藩于燕奉法惟謹迫言臣謀不軌奸臣
 之心恐不止害臣譬伐大樹先剪其枝親藩夷
 滅社稷危矣詔削燕王屬籍○命長興侯炳文
 等帥師討燕吳傑等各帥偏師步騎号百萬數
 道並進期直搗與搗同北平帝誠諸將曰昔蕭繹
 舉兵入京而令其下曰六門之內自極兵威不
 祥之極今爾將士與燕王對壘務體此意毋使
 朕有殺叔父名○耿炳文等率兵三十萬至真
 定徐凱率兵十萬駐河間潘忠駐莫州楊松帥
 先鋒九千人據雄縣約忠為應燕王帥師夜半
 至雄縣圍城而攻楊松與麾下九千人皆戰死
 潘忠未知城破引眾來援燕王豫度忠軍來命

師敗績於真定

燕兵執寧王權
還北平

譚淵領兵千余伏水中以待忠等果至王進兵
逆擊之遂生擒忠徑趨真定親率三騎先至東
門擒二人訊狀繞出城西南破其二營炳文出
城迎戰王以奇兵出其背循城夾擊橫貫南陣
炳文大敗奔還城死者無筭降者三千余人炳
文闔門固守燕兵攻城三日不能下燕王還北
平帝大怒遣李景隆代之○景隆乘傳至德州
收集炳文敗亡將卒并調各路軍馬五十萬進
營於河間○燕兵襲大寧執寧王權還北平○

南軍擾亂退營
十里

燕兵至擊李景隆走之景隆聞燕兵攻大寧帥
師進渡盧溝橋喜曰不守此橋吾知其無能爲
矣遂薄城下築壘九門景隆攻麗正門幾破燕
世子選勇士縋以繩懸物也城砍營南軍擾亂退營
十里惟都督瞿能奮勇與其二子帥精騎千余
衝入張掖門銳不可當後不繼乃勒兵以待景
隆忌能成功使人止之曰候大軍至俱進於是
景隆移營向河西陳暉渡河而東燕王率兵至
孤山列陣於北河西是夜天寒河水冰結王擊

李景隆走還德州

敗陳暉兵暉衆跳冰遁冰乃解溺死無算又見景隆兵動以奇兵夾擊逼景隆營景隆不能支遁還德州景隆既敗黃子澄等匿不以聞曰交戰數勝但天寒士卒不堪今暫回德州待來春更進○燕王復上書○十二月罷兵部尙書齊泰太常寺卿黃子澄以燕王疏列二人罪也二人名雖罷退實籌畫治兵如故

二年庚辰四月李景隆與武定侯郭英安陸侯吳傑合軍北伐戰于白溝河敗績景隆自德州進

師敗績於白溝河

郭英等過保定期於白溝河合勢同進帝慮景隆輕敵乃遣魏國公徐輝祖帥京軍三萬爲殿星馳會之景隆等合軍六十萬次於白溝河列陣以待燕王帥兵來攻前鋒都督平安伏精兵萬騎邀擊殺傷燕兵甚衆燕王從三騎殿而後迷失道視河流奔東西始知營自上流倉猝渡河而北燕王既收軍還營夜秣馬謂諸將曰勝負常事耳彼兵雖衆不過日中保爲諸君破之卽麾精銳數千突入左掖燕王先以七騎馳擊

之南軍飛矢如注，燕王馬凡三傷，三易之，馬却阻於隄，幾被捕。燕王走登隄，佯麾鞭若招，後繼者景隆疑有伏，不敢上隄。而燕王復率眾馳入陣，會旋風起，折大將旒。南軍相視而動，燕王乃以勁兵繞出其後，突入馳擊，於是列陣大崩，奔走之聲如雷，委棄器械輜重山積，斬首者十餘萬。景隆單騎走德州。○李景隆奔濟南，燕兵入德州，獲糧百余萬，自是兵食益饒，乘勢掠濟陽，教諭王省，陞明倫堂，聚諸生曰：堂名明倫，今日

李景隆走德州

之倫何在，相嚮大哭，遂觸柱死。○燕王帥兵圍濟南，參政鐵鉉等擊却之，遂復德州。兵大振，帝即軍中，擢鉉為兵部尚書，贊助而成其事也理大將軍事。○燕兵向東昌，鉉等背城而陣，具列火器毒弩以待。燕軍至，即鼓譟前薄，盡為火器所傷，遂圍燕王數重，朱能率蕃騎衝入奮力死戰，翼燕王出，張玉沒於陣，燕兵大敗，遂北奔。是役燕王數危，諸將奉詔莫敢加刃，至是奔北，燕王獨以一騎殿，後追者數百人不敢迫。燕王聞張玉敗

敗燕軍於東昌

沒痛哭曰勝敗常事不足慮艱難之際失此良輔殊可悲恨師還與諸將語每及東昌事曰自失張玉吾至今寢食不安遂涕下不已

師敗績於夾河

三年^{辛巳}正月詔復齊泰黃子澄官享太廟告東昌之捷○燕王帥師南下盛庸及燕兵戰于夾河自辰達未不分勝負忽北風起塵埃漲天我軍大敗走還德州詔竄逐齊泰黃子澄於外籍其家以謝○吳傑大敗燕兵于藁城○燕王上書請召還吳傑等師帝命方孝孺草詔赦王父

方孝孺之見似於不及卓敬

子及諸將士罪使歸本國勿預兵政仍復王爵永爲藩輔遣大理少卿薛崑齋詔往燕師燕王讀之怒問崑臨行上何言崑曰殿下且釋甲謁孝陵暮卽旋師燕王曰噫是不可給三尺兒留崑數日遣中使送出境語之曰歸爲老臣謝天子但望皇上誅權奸散天下兵臣父子單騎歸闕下惟陛下命之崑歸備述前意○五月燕王復上書言朝廷許罷兵而盛庸等攻北絕糧餉與詔旨背馳帝得書有罷兵意以示方孝孺孝

燕王使武勝上書

孺陳其不可上然之縛使下獄燕王聞之怒曰
侯命三月今使臣見執是其志不可回矣乃遣
李遠等帥輕騎六千詣徐沛令易士卒甲冑與
南師同挿柳枝於背為識至濟寧穀亭盡焚軍
輿以來積聚所嘗儲之糧食也自是德州糧餉遂艱遣
駙馬都尉梅殷鎮守淮安殷有才智太祖特眷
注之臨崩語殷曰汝老成忠信可託幼主敢有
違天者為朕伐之言訖崩至是燕兵漸逼諸將
多畏懦觀望殷乃統師駐淮上以阨燕師既而

梅殷鎮守淮安

燕王遺殷書以進香金陵為辭殷言曰進香皇
考有禁乃割使者耳鼻口授數語還之詞甚峻
燕王怒決計趨金陵

燕兵陷東阿

四年壬午正月燕兵陷東阿時州長以靖難兵且

至盡棄城走吏目鄭華獨率吏民憑城守力不

支不食五日死○平安率步騎兵四萬躡躡也

燕軍燕王率騎二萬至淝河設伏兵南軍追至

伏發南軍還走燕王率兵至以數十騎當之平

安裨將火耳灰持稍直犯燕王相距十步許遂

燕兵陷蕭縣

被執平安易服以數騎走退屯宿州南軍大敗
○燕兵陷蕭縣知縣陳恕死之○都督平安與
燕兵戰奮擊破之轉戰遇燕王於北坂王急幾
為安樂所及馬蹶不得前王騏躍馬入陣援燕
王得脫我軍勇氣百倍燕驍將多敗沒燕王不
解甲者數日燕王遣壯士萬人遮糧道而伏兵
林間躬帥師迎戰大破之安等喪其糧餉入營
堅守明日突圍出師欲就糧於淮河誤期營中
紛擾燕軍謀知之急攻遂破其營安被俘王曰

問當此時方孝
孺不做得何事
何如
答孝孺真有德
而無才者蓋宋
以後諸君子多
似此者豈所謂
理學者而善楷
入歟學者宜有
所擇也

淝河之戰公馬不蹶何以遇我安大言曰刺殿
下如拉朽耳王大息曰高皇帝好養壯士釋之
遣還北平自是南軍益衰矣○燕兵漸逼京師
震動帝詔徵勤王兵方孝孺曰事急矣宜以計
緩之帝從之乃遣慶城郡主如燕師議和以割
地分南北為請燕王曰凡所以來為奸臣耳皇
考所分地且不能保何望割也但得奸臣之後
謁孝陵朝天子求復典章之舊免諸王之罪即
還北平祇奉藩輔豈有他望蓋奸臣欲緩我師

陳瑄降燕

侯遠方兵至耳。郡主默然辭歸。○都督僉事陳瑄降燕，具舟至江上來迎燕王。王乃誓師渡江。燕諸將請徑薄京城，王曰：鎮江咽喉之地，若城守不下，往來非便。乃令來降海舟懸黃幟，往來江中。鎮江城望見，驚曰：海舟皆已降，吾將何為其守？將量後遂率眾降。帝聞江上海舟暨鎮江皆降，甚憂鬱。燕王整兵而進，至金川門。徐輝祖迎戰，敗績。時朝廷文武俱降，燕帝欲自殺。翰林院編修程濟曰：不如出亡。少監王鉞跪進曰：

帝遜

昔高帝外遇時有遺篋，曰：臨大難當發，謹收藏奉先殿之左。群臣皆言急出之。俄而昇一紅篋，至帝見而大慟。程濟碎篋得度牒三張，乃急命焚大內，爲行脚僧狀，至鬼門一舟，巖岸爲神樂觀。道士王昇見帝叩頭稱萬歲曰：臣固知陛下之來也。疇昔高皇帝見夢令臣至此耳。乃至大平門，俄而程濟楊應能等同至，共二十二人。帝曰：今後但以師弟稱，不必拘主臣禮也。黎明取道溧陽去。○燕王入宮，命革除建文年号，以今

燕王入宮

殺方孝孺

年為洪武三十五年榜列奸臣方孝孺齊泰黃子澄等百余人。○燕王發北平也僧道衍送之郊跪而密啓曰南有孝孺者素有學行武成之日必不降附請勿殺之殺之則天下讀書種子絕矣上首肯之至是方孝孺被執不屈乃衰經入見哀聲徹殿陛王曰予初心欲效周公輔成王耳對曰成王安在王曰彼自死也對曰獨不可輔其子乎王曰先生毋太苦此吾家事耳因授筆強之草卽位詔孝孺擲于地哭且罵王怒

問上文以建文為出亡此處王曰彼自死也王未知其出亡之歎答建文出亡之事甚可疑矣何者無燕王全然不知又知而措之不問之理一也方孝孺股肱之臣也豈有不從之乎二也遺篋道士之事甚奇異三也故余編此書雖且據舊史而中心則偶然以自死者

磔聚寶門外命夷九族親故坐死者八百余人

李彥翁曰太祖初見孝孺喜其舉止端整曰此莊士當老其才且勅還家既十年又以薦得召曰此未是用孝孺時嗚呼我太祖豈但具有天眼蓋真具正法眼矣然唯太祖乃能用孝孺使孝孺得用於太祖之時則孝孺便成得一個好良臣唯用於建文故遂成一忠臣以死耳嗚呼悲哉雖然才者材也材於春夏則長養材于霜雪則摧殘人但知摧殘之易而不知長養之亦易也我太祖以神武定天下非不知長養之時招賢納士而一不當則斥一得罪則誅蓋霜雪之用多而推殘之意亦甚不少建文繼之專一煦以陽春而孝孺輩又為太祖所留之人材長成就日致享通拔茅連茹隨彙并進是以四年之內皆成仗節死義之臣耳故曰四方風動夫以孝孺為之風雖姚恭靖以一好殺之和尚亦深勸文皇帝

爲真也

以勿殺何者一殺孝孺則後來讀書者遂無
種也無種則忠義人材豈復更生乎故建文
之時死難之臣若此其盛者以有孝孺風之
連茹拔之而建文復以春温煦之耳然在建
文何可謂能長養死難之人材而不可謂能
長養輔弼之人材也使建文果能長養輔弼
之人材則有可死乎我成祖
又安能成一統之大業乎

太宗皇帝

帝名棣太祖第四子初封燕王舉兵
陷京城自立爲帝在位二十二年壽

六十五○帝以周公爲名取天下建文左右之
者漢晁錯也剝奪諸王後及帝諸王不勝凌辱
或死或廢也帝獨異於此佯狂示弱掃除亂累
使奪建文之天下者晁錯也左右股肱之臣可
不擇哉

以北平爲北京

永樂元年

癸未

二月以北平爲北京設留守及行

部官改号順天府○封李芳遠爲朝鮮國王○

大封功臣以淇國公丘福爲第一○景清知建

文出亡嘗懷興復事覺伏誅剝皮草檣之

以草包函

也係于長安門後駕過之忽索斷行三步爲犯

駕狀

立高熾爲皇太子

二年

甲申

四月立長子高熾爲皇太子擢僧道衍

爲太子太師復姓名姚廣孝上稱爲姚少師不

名廣孝終身不畜髮娶妻居止仍在寺觀○十

月直文淵閣解縉等承制纂錄韻書成名文獻

大典

李景隆伏誅

三年配正月詔選新進士就文淵閣進學○李景隆不法伏誅

四年丙戌四月建文帝至西平侯沐晟家○安南國王陳日焜為其臣黎季犛所弒陳天平懇京師上遣人責之季犛卑辭表請還國上遂以兵送天平還季犛伏兵殺天平上大怒曰曩爾小醜罪惡滔天猶敢潛伏奸謀肆毒如此朕推誠容納乃為所欺此而不誅兵則奚用乃命能張

安南平

輔等帥兵分道進討生擒季犛及其子澄餘眾悉降安南平得府十五州四十一縣二百八戶三百十二萬

五年丁亥七月皇后徐氏崩

七年己丑二月帝巡幸北京命皇太子監國

九年辛卯六月逮捕交趾參政解縉至京下之獄

趙王言縉瞰陛下遠出覲儲君無人臣礼上怒時檢討王偁亦謫交趾縉偕偁至廣東娛嬉山水且上言請役夫數萬鑿漳江以便往來上大

帝巡幸北京

怒曰為臣受事則引而避去乃欲勞民如此遂逮縉并偁俱下獄

十一年癸巳七月韃靼太師阿魯台遣使來納款且請得部署女真吐蕃諸部不許至是封為和寧王○呂震請封禪不許曰昔魏徵以堯舜望太宗而止封禪爾乃處朕于太宗下乎

征瓦剌

十二年甲午二月詔親征瓦剌大敗之馬哈木北遁上帥師至撒里怯兒之地前鋒都督劉江遇敵三峽口擊走之上發蒼厓峽次蘭忽失温馬

五經四書性理大全成

哈木以三萬人來戰頓山巔不敢發上遣鐵騎挑之敵奮而下中軍將安遠侯柳升以神機砲斃其騎數百上率鐵騎乘之馬哈木遂大潰走追至土刺河生擒數十人馬哈木乘夜北遁上遂下令班師○榜葛刺國獻麒麟○十二月纂修五經四書性理大全書成上親為之序

十四年丙申十月上將建北京宮殿命群臣會議於是文武群臣議奏曰北京聖上龍興自漢高祖以還之地北枕居庸西峙太行東連山海南

府中原山川形勢足以控四夷制天下誠帝王之都也。比年車駕巡狩四海會同人心協和漕運日廣商賈輻輳財貨充盈良材巨木已集京師天下軍民樂於趨事伏乞上順天心下從民望早敕所司興工營建以爲子孫萬世帝王之業天下幸甚。

谷王漢王謀不軌

十五年丁酉二月谷王穗謀逆詔削爵爲庶人。○漢王高煦謀不軌楊士奇曰彼知陛下北都意欲在南耳上怒處之山東。

皇太子赴北京

十八年庚子九月北京宮殿成卿雲瑞彩彌滿殿庭有金水河冰凝龍鳳之狀。○十一月皇太子赴北京過鄒縣會歲荒民飢乃下馬入民舍見男女衣皆百結不掩體竈金傾什不治貧困之狀歎曰民隱不上聞若此乎乃命山東布政使石執中悉發官粟賑之。

十九年辛丑正月帝御北京奉天殿受朝賀大赦。○呂震語太子曰殿下在南多爲中使所讒宜罪之太子曰過豈吾所無幸上不之信我何較。

耶

二十年壬寅三月阿魯台寇興和殺守將王煥上

阿魯台稱可汗

親征至雞鳴山阿魯台聞之夜遁○阿魯台弒

其主雅失里自稱可汗

二十一年癸卯五月常山中護衛指揮孟賢等謀

逆伏誅先是上以疾多不視朝中外事悉啓皇

太子處分太子每裁抑官侍黃儼江保尤見踈

斥儼等素厚趙王流言傳播謂上屬意趙王由

是孟賢遂起邪心與羽林衛指彭旭等連結貴

近謀進毒於上俟晏駕廢皇太子而立趙王布
置已定事發覺

二十二年甲辰正月阿魯台寇大同○四月帝復

親征偶罹疾遂崩

仁宗皇帝名高熾太宗長子也在位一年壽四

陣之艱苦知民間之疾苦故事情適切也

楊榮等奉大行皇帝計至京師帝遣皇太孫赴

開平迎梓宮至京師○九月賜蹇義楊士奇楊

榮等銀圖書各一其文曰繩愆糾繆諭之曰卿

立瞻基為皇太子

等皆先帝舊臣，又事朕於東宮。今朕嗣位之初，賴卿等協心贊輔，凡政有關失，群臣及卿等言之而朕未從，悉用此印密疏以聞。○十月，立皇太子。○赦建文奸黨族屬，給還田產。

洪熙元年己巳正月，建宏文閣。○楊士奇力言馬政，呂震等交爭之，上批音鉅制也勅，久不下。召士奇曰：「內批豈忘之？特衆口詆卿，朕念卿孤立，恐為衆所傷，故少緩之。若出朕意也。」○上明於星象。

天文也

忽夜見星變，召楊士奇等曰：「天命盡矣，乃歎息而起。次日復語蹇義、楊士奇曰：「監國二十年，為讒慝所構，心之艱危，吾三人共之。賴皇考仁明，得遂保全，言已泫然。義士奇亦流涕，上曰：「吾去世後，誰復知吾三人同心一誠，各賜印一。」○五月，上不豫，命義士奇遣使馳召皇太子於南京。翌日，上疾大漸，遂崩。

宣宗皇帝

名瞻基，仁宗太子也。

宣德元年丙午八月，漢王高煦反。先是，英國公張

漢王高煦反

輔以反狀聞帝遣中宦侯泰賜書高煦高煦引
泰觀其軍馬兵器曰以此橫行天下可也爾歸
報爾王速執送奸臣夏原吉等然後議吾所欲
耳於是帝決意親征發京庫食兼行駐驛樂安
城北高煦大懼請降乃許之械桎梏也高煦父子
及首謀者數人赴京師群臣請移師執趙王坐
以連謀之罪楊士奇獨不可曰誣以連謀何能
服人且文廟三子惟趙王在聽群議而剪本枝
竊為陛下不取也乃言者喋喋士奇請璽書併

封群臣疏示趙王王喜曰吾生矣即自削其護
衛以謝○帝還京師廢高煦為庶人

二年丁未十一月罷交趾布政司冊封安南陳王

三世孫高為安南國王○何忠為黎利交趾所

執賜之飲忠罵曰吾天朝臣子豈食犬彘之食
奪杯擲虜而流血遂被害上聞旌其門

三年戊申二月立皇子祈鎮為皇太子廢皇后胡

氏立妃孫氏為皇后先是召楊士奇等諭之曰
朕年三十未有子今幸貴妃生子母以子貴古

立祈鎮為皇太子

要見處置夫婦之際而好

亦有之。但中宮宜何如處置。士奇曰：漢光武廢后，詔書曰：異常之事，非國休福。宋仁宗廢后，後來甚悔，願陛下慎之。上不憚而罷。一日獨召士奇，屏左右，諭曰：若何處置為當。士奇因問中宮與貴妃若何。上曰：甚和睦，相親愛。中宮今病踰月矣。貴妃日往視慰，藉甚勤。士奇曰：然則乘今有疾而導之辭讓，則進退以禮，而恩眷不衰。上頷之。數日復召士奇曰：爾前說甚善。中宮果然辭。然辭貴妃堅不受。太后亦尚未聽辭。然中宮辭

甚力。士奇曰：若此，則願陛下待兩宮當均一。昔宋仁宗廢郭后而待郭氏，恩意加厚。上曰：然。吾不食言。其議遂定。

五年庚戌正月，少保戶部尚書夏原吉卒，贈大師。

謚忠靖。復其家。原吉德量寬慎，嘗一隸汚所服，織金賜衣，懼欲逃。吉曰：可浣，無懼。又閱獄再四，吁嘻筆不得下。曰：吾筆一下，死生決矣。雪夜過禁門，侍者請無下馬。曰：君子不以冥冥失節。其仁敬慎類如此。○況鍾為蘇州太守，初視事，陽

尚書夏原吉卒

爲木訥，胥有弊竊，但默記其事，如是者月餘，而群奸悉得。一夕召府中胥悉前，大聲言某日某事某竊賄若干，某日某亦如之，群胥駭服，不敢辨立，殺六人，肆諸市，由是吏民震悚，蘇人稱之曰：「況青天。」

要見君臣之際
尙存古風

六年^{辛亥}七月，帝微行，夜半至楊士奇宅，士奇俯伏地上，言陛下奈何以宗廟社稷之身自輕，上笑曰：「思見卿一言故來耳。」遂屏左右語，既竟，士奇叩頭曰：「乞自此慎出，事變不測，當慮也。」駕還

定濟農倉之法

宮，明日上問士奇如何不謝，對曰：「車駕夜出，臣恐漏之，故不敢謝。後有盜謀不軌，欲乘上夜行發事，覺上嘆曰：『士奇愛我，遣大監范宏賜金綺。』」八年^{癸丑}十一月，巡撫南直隸工部侍郎周忱奏定濟農倉之法，令諸縣各設倉，擇縣官之廉公有威與民之賢者司其籍，每歲種時之際量給之，秋成還官，明年江南大旱，諸郡發濟農米以賑貧，民不知饑。

十年^{乙卯}正月，帝崩。

英宗皇帝名祁鎮宣宗太子在位十四年

正統元年丙辰正月詔開經筵○王振初侍上東

宮及即位遂命掌司禮監寵信之呼為先生而

不名振因擅作威福超擢衛卒紀廣者宦官專

政自此始○太后嘗御復殿顧上曰此五人張輔

楊士奇楊榮楊溥胡濙先帝所簡遺皇帝者有行必與之

計非五人贊成不可行也上受命有頃宣王振

振至俯伏太后顏色頓異曰汝侍皇帝起居多

不律今當賜汝死上跪為之請諸大臣皆跪太

后曰皇帝年少豈知此輩禍人家國我聽皇帝

及諸大臣貸振此後不可令干國事也○四月

始設提學

五年庚申三月命侍講學士馬愉等并直內閣機

務皆出王振擢用先是振謂楊士奇等曰今朝

廷事賴三位謂三楊老先生然三公亦高年倦勤

矣後當何如楊榮曰先生安得為此言吾輩老

無能効力當以人事君耳振喜至是乃薦士奇

因尤榮榮曰彼厭吾輩吾輩縱自立彼容能已

要見君子待小人自有苞荒之事

乎一日丙中出片紙命某某入閣則吾輩束手矣今四人竟是我輩人何傷也士奇是其言

殿學記云宋儒有言德勝才謂之君子才勝德謂之小人信斯言也豈得謂之無才哉夫國家多難羽檄旁午匪才弗達上下多危蕭牆交構匪才弗定醜虜窺伺內猜外疑匪才弗靖奸雄僭竊彼甲此乙匪才弗協是故陳平燕居深念張良借箸前籌才矣而謂之小人可乎或謂文貞正而不譎文敏譎而不正則予豈敢

楊榮卒

六月楊榮卒於武林驛享年七十阮江以計聞上為之慟輟視朝一日贈特進光祿大夫左柱國大師謚文敏

天順目錄云文廟英武羣臣奏對少能稱旨唯愛東楊先生之才自編修入閣未嘗一日離左右或大臣謀事未決文廟不樂至發怒東楊一至輒解威事亦隨決有濟人利物之仁唯不忍却人之餽凡鄉人有餽必先詢訪其人之貧富若貧亦不却但酬以別物與所餽相稱而已又曰居仕途者或早年得意晚即坎坷或少年見滯老乃顯達或始終多難而中歲安樂若東楊自入仕即得君無日不在崇貴之中者四十余年歷任四朝曾無一日之恙終始全美不可常數論也或者問氣所生而稟賦自爾完厚邪

建文帝被執至京師

九月建文帝被執至京師帝好文章能為詩歌至是出亡蓋三十九年矣於是迎入西內程濟聞之歎曰今日方終臣職矣往雲南焚庵散其

徒莫知所終建文帝既入宮宮中人皆呼爲老

佛以壽終葬西山不封不樹封築土樹植樹木也

七年癸未十月太皇太后張氏崩初宣宗崩上冲

年踐祚事皆白太后然後行委用三楊政歸臺

閣每數日必遣中宮入閣問施行何事具以聞

或王振自斷不付閣內閣議者必立召振責之太

后既崩振益無所憚矣○瓦剌太師順寧王脫

歡卒子也先嗣自脫歡并吞諸部勢浸強盛至

也先益橫屢犯塞北邊境自此多事

前有馬氏後有張氏要見婦德關於家國亦大

大學士楊士奇卒

九年甲子正月新建大學成帝臨御祇謁先聖行

釋奠禮○少師兵部尚書兼華蓋殿大學士楊

士奇卒謚文貞

殿學記云予觀沙羨稿石臺稿見文貞蚤歲所馳魁岸視天下莫已若及觀國史暨三朝

聖諭錄乃知管仲之才優於召忽魏徵之績多於王珪輔亮東宮保全趙邸歷事四朝終

始如一或者乃周是修之死子稷之獄少之則吾不知也

十一年乙丑三月王振怒山西河南巡撫于謙罷

爲大理少卿二省民赴闕訴之乃復命巡撫○

少師禮部尚書兼武英殿大學士楊溥卒

大學士楊溥卒謚文定

吾學編云時稱三楊學士文貞為西楊文敏為東楊公為南楊正統五年東楊卒又明年昭聖皇后崩又明年西楊卒十一年公卒十四年遂有土木之禍又云西楊玉質金相通達國體東楊揮斤游刃遇事立斷南楊安貞履節調羹醴醴參合成名并稱賢相余聞之先人曰文貞輔導監國危心慮患卒能保其身以濟其主文敏經畧北塞金湯萬里有武績焉文定中更險難比入內閣遲二楊者二十三年復還弘文再入內閣昭皇后臨朝與民休息四海晏然皆其力也

鄭茂反

鄭茂反烏合至數十萬天下一時騷動十四年_已二月北虜瓦剌也先遣使二千人進馬報稱三千王振怒其詐斬一人自是遂失好

瓦剌也先入寇

和大舉入寇○七月瓦剌也先兵所至悉陷沒邊報日至王振勸帝親征帥五十萬人出居庸關至宣府群臣請留王振不聽遂駐土木虜佯退四面蹂躪入我軍大敗時護衛將軍樊忠攜_{以杖}擊也死王振曰為天下誅此賊遂突圍殺數十人死之張輔等數百人皆死蹇刊王部下擁帝去報至京師皇太后遣使齎重寶詣虜贖駕弗許乃集百官議立郕王祁鈺詔族王振家於是群臣哭謝國事始寧

景皇帝

名祁鈺，宣宗第二子，英宗北巡奉皇太后命即位，在位七年。

景泰元年

庚午

遙尊帝為太上皇。○也先挾上皇

也先寇紫荆門

寇紫荆門，先是太監喜寧

故鞞，鞞也。

土木之敗降於

虜，盡以中國虛實告之，為彼嚮導，奉上皇入寇。

朝野洶洶，人無固志，侍講徐理言驗之星象，歷

數天命已去，請當遷金英等叱之，獨于謙言京

師天下根本，宗廟社稷，陵寢百官帑藏倉儲咸

在，若一動則大勢盡去，宋南渡之事可鑒也。遂

大聲曰：敢言遷者斬。群議乃定。○也先圍京師。

此時此際賴有一于謙氏。

也先請和

于謙躬擐甲胃，率先士卒，以示必死，泣以忠義

諭三軍，人人咸奮，勇氣百倍，虜少沮，既而王師

四至，我軍大振也。先北遁。○七月也先遣其參

政完者脫歡等來請和，群臣許之，奉迎上皇上

不悅曰：我非貪此位，而卿等強樹焉。今復作紛

紜，何眾不知所對。于謙曰：大位已定，但迎還以

弭邊患耳。乃遣善榮等至虜營迎之也。先問有

何禮物來迎，善榮言若操賄來迎，後人以爾貪

賄歸上皇，今無所操而歸，書之史冊，後世皆稱

述也先然其言設宴餞上皇羅拜而別命其部將護送至京上皇自東安門入上迎拜各述授受意遜讓良久乃送上皇至南宮群臣就見而退大赦天下

二年辛未二月命右僉都御史王竑巡撫江淮諸

王竑發倉賑民

郡時淮徐大飢死者相枕籍山東河南流民踵至竑不待奏報大發倉儲賑之全活者數百萬人用米一百六十餘萬石人述其行事為救荒錄世傳焉

三年壬申正月兵部侍郎李賢論備邊以車制為

首號曰有脚城其制長一丈五尺高六尺外蒙以鉄內藏其人上開小窓下開

銃眼得車千數周圍相比砲不得入箭不得傷敵至則發砲前去則移以逐之○五月

廢上皇太子見深為沂王立皇子見濟為皇太子

皇太子卒

四年癸酉十一月皇太子見濟卒

五年甲戌五月下禮部儀制郎中章綸御史鍾同

于獄進士楊集上書譏于謙不救謙以示王文文曰書生不知朝廷法度然有膽當進一級處

韃韃脫脫不花子麻兒立

之乃以集為六安州知州進士選知州始此○也先為阿刺所殺未幾韃韃部字來復殺阿刺求脫脫不花子麻兒立之自是韃韃勢復熾七年丙子正月帝不豫時儲位未定武清侯石亨知帝疾必不起乃與徐有貞等謀迎上皇復位夜半掖上皇登輿以行上皇遂升奉天殿登御座鳴鐘鼓啟諸門百官入候有貞號於眾曰上皇復辟矣百官震駭遂賀帝知之連声曰好好尋廢帝為郕王

英宗皇帝

初即位十四年北狩景泰元年還居南宮同七年復辟在位八年壽三十八

天順元年丁丑大赦天下論迎復功進封石亨為忠國公以徐有貞為兵部尚書其餘賞賜有差○殺少保兵部尚書于謙謙與石亨等有隙故法司蕭維禎阿亨輩以意欲二字成獄凡亨等有隙者無不入其羅織○四月復立沂王見深為皇太子

意欲二字成獄何人不可陷要見小人羅織之真可畏

二年戊寅正月遣建庶人出居鳳陽庶人建文八君幼子也

禁大內時方二歲至是年五十六上意欲寬之
謂李賢曰親親之義實所不忍賢對曰陛下此
一念天下鬼神實臨之太祖在天之靈實臨之
堯舜之心不過如此左右或以為不可上曰有
天命在任自為之

石亨反伏誅

四年庚辰正月石亨見上稍疎斥懷怨望謀反伏
誅曹吉祥不自安謀幽上于南宮而立皇太子
事覺被殺京師悉賀三老初見吉祥不法絕其
往來至是誅九族而三老獲免三老者曹吉祥

大明一統志成

親家也大明一統志成○北虜寇河套據之河套

周之朔方秦之河南○空中有鼓妖有聲無形者也李賢以為上

不恤民所致也因條陳十事諫爭上深知賢終
不以為忤

八年甲申正月帝不豫命太監牛玉代書四事一

曰東宮即位百日成婚二曰定后妃名分三曰

勿以嬪御殉葬四曰嬪斂器服從舊既而崩

憲宗皇帝名見深英宗太子在位二十三年壽四十

成化元年乙酉四月荆襄地名流民劉千斤反討平

之○上容李賢議尊錢后為慈懿皇太后周氏

上生母乃貴妃為皇太后

十年甲午十一月復邸王帝號謚曰恭仁康定景

皇帝

立祐樞為皇太子

十一年乙未十一月立皇子祐樞為皇太子皇子

紀妃所生也初妃有娠萬妃知而恚之百方謀

害胎竟不墮故西內廢后吳氏保抱惟謹不使

萬妃知之先是內官漸傳西宮有一皇子六歲

矣萬妃驚曰何獨不令我知召皇子入昭德宮

徙紀氏於永壽宮紀氏暴薨人以為萬貴妃所
鳩

置西廠

十三年丁酉正月置西廠

永樂中始設東廠主刺奸故名西廠以別東廠

也
以刺民利害官屬賢否令太監汪直主其事

直年少黠諷而恣肆莫制臣民皆自危大學士

商輅書直十罪上疏罷廠未幾御史戴縉王越

奏復之

罷西廠

十八年壬寅三月罷西廠

十九年癸卯汪直有罪罷天下快之中官阿丑者

也 即東方朔其人

善詆譖一日於上前作酒醕音煦令一人佯曰駕至醕如故復曰汪太監來乃驚起帖靜定帖也然一人曰何駕至不懼而懼汪太監何也曰吾知有汪太監不知有天子耳上悟自是直罷漸衰尋削職

商輅卒謚文毅

二十二年丙午七月大學士商輅卒輅字弘載淳

安人奉敕纂修續資治通鑑綱目年七十三

殿學記云子以闕逢敦祥發練浦汎清溪巖棹桐江眺望文毅之廬高峰回合千巖蜿蜒殆間氣所鍾也及讀國史見諸疏侃侃有大節嗚呼宋之主旦王會宋庠俱以三魁致位

宰輔若文毅者視古先哲何愧邪

八月帝崩

續綱鑑精采卷之一終

提辰彫

